

家乘譜序

蓋譜有大同譜及某公派譜家乘譜之三種大同譜者自始祖以下百派千支大同團致合成一秩者也某公派譜者以中祖爲始某派某派各祖其祖而爲一秩者也家乘譜者某派中分派各家只以所蒙祖以下成秩者也吾曹氏之大同譜以觀察使諱始永氏主創成於慶南金山鳳溪者近七十年于茲矣距今八年前京城居住各派諸族始設花樹會而同會席上以大同譜修整事發議遂通告于各道各郡宗族而設譜所于京城敦岩洞秉賢氏私宅數年經營而伊時吾綾城莊襄公派亦爲收單成冊而大

同譜事五六年間事故多端尙爾未果故惟我莊襄公以下五派欲修派譜計而此亦難團合數年延滯故惟我叅議公遯庵公兩家遂成家乘譜者也嗚呼譜之所以尊祖敦宗之義全源支流之序舊譜弁文已所詳序則余不必更贅而惟我曹氏入綾六百餘年婁經兵燹子孫零替上系墳墓失傳太平至於莊襄公墓所失而復尋者不過七十禩以內也若以派譜未成遲延不果家乘譜則後子後孫必至於盲於系統聳於昭穆故譜規則一依舊例而成爲一冊以爲各家珍藏而以爲後日大同及派譜之資耳

檀紀四二九五年壬寅二月十五日

後孫 万 燁 謹識

昌寧曹氏家乘譜

丙子派譜序

曰若稽古昌城我曹氏始得姓于此自新羅而歷高麗迄我朝奕世邇徃京輦不億其麗而道學文章忠孝節義簪纓軒冕赫赫蟬聯不絕而在國望於國在鄉望於鄉士林柯則之行路稱誦之而我不及麗麗優羅羅之中興我始祖太師公在 眞平王朝爲駙馬都尉昌城府院君有八平章九少監之爲麗喬木者可肩於晉之王謝也如莊襄公之清列月軒公之忠義爲黼黻王廷而使子姓爲藤薛於綾也久矣嗚呼滄桑累變兵燹累劫文獻無徵而是用

廣搜遠撫自今而古自明而幽忽有若神明默佑於冥冥  
得麗牲之刻於莊襄公衣履之藏發其潛晦然後先系燦  
然復明於世無亦似乎朱夫子得制置之墓而復其故姓  
云爾者耶嗚呼不知在何年代分遷于喬木而中葉之零  
替不春有乃爾耶盍觀夫易乎剝復有數否泰有道否往  
而泰剝極而復復不在不遠乎不遠復之以修身云者孔  
子豈欺我哉惟富春梅亭之所修譜良有以也自此而務  
欲學文爲事孝弟爲家德義爲睦以盡其修身則如此三  
數世何患不復斯譜之修也莫不以厚倫爲心明世系爲  
綱領而尹其役卒其事則全篇是明世系明世系是厚倫

厚倫不外乎修身也若夫譜體之大全一以仍舊貫而畧不無潤色之僭越也余昧於事盲於時而奚嘗有一助左臂於斯役也斯役之顛末有相即錫奎氏万燁甫其人也譜始成遂書此而弁卷以備開卷瞭然云

歲在乙亥仲秋下浣後孫弼承謹序

夫譜譜其族族之有譜猶國之有史也史而載其國業之興替歷年之久近譜而記其族系之本支昭穆之序秩族而不係之以譜則將渙散落落至若路人相視而親親之道亡矣如是而往安知其祖先之爲源而子姓之爲派流其萬耶肆不可不修譜然後明其族屬之有親疏昭穆之

有先後而當致敦睦之無窮於來遠者也敦睦之不能則雖四海爲族有族而無族也久矣苟能敦睦而親親則雖服慤而總服盡而袒免令狐氏之睦韋員外之會亦可庶幾之矣嗚呼吾綾陽宗族之零替不振數百載于茲若夫莊襄公之清列德谷公之孝友竹軒公之清文月軒公之忠義不專讓於軒冕華胄而誰知夫奕葉之閱百劫風孱於喬木餘春也耶若使譜系之不明則雖子姓不知其先之將何爲也國乘之不明不亦猶是耶是知國不可不史族不可不譜也嗚呼顯晦有時盛衰有數衰是盛之基晦是顯之根知所以爲顯晦之道而脩此譜則不求顯盛而

自顯盛顯盛豈不在斯役之明倫綱敦族戚而團體之乎  
譜系則一以仍舊貫爲副封者先導而已無他事也余奚  
敢有輕重於是役也時乙亥殷秋下休後孫錫旻謹識

舊譜序

惟我曹氏自羅麗來爲時名臣碩輔勳庸德業世距其美  
而傳之久遠累經兵燹麗季以前先世衣冠攸藏一不能  
保守我先祖晦谷文忠公用是痛怛積誠懇求連四五世  
繼志殫力前後尋三代塋域即慶州草堤 太師公墓也  
松華 襄平公墓也平山水月峯 平章公墓也此皆誠  
透金石神明有所感佑而陰詔之者也是豈尋常誠力所

可到哉嗚呼百支千派苟求其初同根也同源也一體之分也自吾祖先視之均是子孫體祖先之心而推之後雖疏遠猶吾一身一身之內安有彼此之殊乎往在甲戌修譜也余以年淺識蔑猥忝是役更攷綾城派則家而孝國而忠世有偉人耀丹青式鄉閭甚欽誦而以其先系之有難釐正心竊慨恨如吾身之有痛焉綾之宗有墳焉篤於先積幾年始尋 莊襄公墓得麗牲之刻載 少監公以上左僕射諱仁善侍中諱大隆給事諱瑄侍中諱直四代名諱官聯歷落如指掌茲豈非誠透金石神明所陰詔者哉其敬也已鞠草之原新其梓樹之封乃爲一門惇史將



謀劄劂廣詢於京外諸宗衆論既一余何敢異今昌燁甫  
千里委訪要一言以弁其誠之勤令人欽服茲實傳家之  
孝油然而相感上以闡先德且勗後承永世勿替吾宗之昌  
大其自此始乎歲在癸卯季春上澣宗人通訓大夫德

山郡守斗煥謹識

木有本而支分水有源而流分以至千支萬流追其本而  
溯其源則同一而已人之於氏族何以異哉蘇明允之言  
曰塗人也竊以是感焉遇塗之人而問之則姓所同也祖  
是同也於是戚然而感欣然而悅自其禰及其祖以溯其  
所自出則本於一而後屬疎遠視若塗人自其祖先視之

則均是子孫也人無不愛其父母以其愛父母之心愛其  
父母之所以愛之則雖易十世有何遠哉曹氏始籍于夏  
山鼻祖太師公生於新羅 眞平王時官太師繼茲後承  
蕃衍鉅卿偉勳門闌奕奕至麗朝莊襄公大昌官都僉議  
政丞封聯珠府院君是爲綾城一派也入我 朝文學忠  
孝節義仕宦蔚然相望此實先代渙仁厚德種美毓祉以  
啓子孫無窮之休於乎盛哉今此曹氏修譜之日莊襄公  
後孫昌燁屬其弁卷之文余於曹氏爲彌甥誼不可辭畧  
綴世德而勉之云爾 歲癸卯孟春上澣通政大夫成均  
館大司成光山金天洙謹序

重刊序

記曰尊祖故敬宗敬宗故敦族敦族故收族此譜之所由作也苟無譜焉則後子後孫將何所據而識其千有餘載之祖先何所証而知其遠近親疎之籍屬乎昔嵎山蘇氏曰觀於吾譜者孝悌之心油然而生程夫子曰管攝天下人心莫如譜也信乎天理民彝之不可誣也噫世降俗下人心益渝視至親如同路人且至於內外族未及二三代頓不知某姓戚叔姪某姓戚兄弟可勝歎哉惟我從兄叅奉惺々子展矣孝悌君子也慨然乎此苦心熱誠積數年之功而與斗南族文校讐訂釐裒成一部冊子惟余不肖

亦趨助下風而刊行之以壽來世噫若惺々子亦可謂能盡尊敬敦收之道矣述先追本示後傳家之謨孰有大於譜哉恭惟我曹之得姓自羅麗及今數千載子姓蕃衍散在而綾城一派自莊襄公簪纓爵位黼黻王庭雖不及京嶺諸家而道學文章柯則士林亦不多讓於近閭諸宗矣然則今日之譜自莊襄公以至於太師公此所謂以大譜心修派譜事後之子孫因此而繼述之則庶斯譜之壽傳

萬世矣

歲乙亥八月上浣後孫万燁謹識

昌寧曹氏家乘譜

始祖妣姓李氏諱禮香籍慶州父學士光玉新羅開國功臣太傅諡恩烈王號瓢巖諱平後也生有青

龍疾浴于昌寧火王山龍潭與神龍子玉玦相遇而生諱繼龍脅下有文曰曹眞平王仍賜姓曹

一世

始祖曹繼龍

新羅真平王女婿太師駙馬都尉昌城府院君○墓慶州府北四十里草堤洞辛坐上下墳舊失其傳至我英宗戊辰後孫叅判命

教始尋守護判書豐山洪良浩撰碑文後係府使鳳振書○高宗壬辰建碑于昌寧大巖里記靈蹟承旨完山李建昌撰後孫叅判寅承書

二世

子應神

太傅

三世

子壽元

角千

四世

子敦

五世

子欽

同見

子壽亨

東閣舍人

子景文

福州密金都團鍊使

子壽貞

進士

子景文

守巖處士

女張欣

蓮花村

跋

人必以三十年爲一世故前後一世而修譜本他姓氏之  
通例也吾綾城曹氏距今二世前癸卯莊襄公以下五派  
同修派譜一世前丙子五派謀修派譜而各派門議不一  
未能合致但叅議公遁庵公牧使公派三家別爲派譜年  
前幸於京城花樹會席上南韓曹氏大同譜說發起伊時  
通文來到故莊襄公派全門一致亦爲收單預備而族兄  
万燁氏持叅於大同譜所數年間五六回徃復視察則事  
故多端竟至未果故欲修綾城派譜數次會議此亦未得  
一致不得已叅議公遜庵公兩派規模雖小而修成家乘

譜者也是役也在烈貞燁全擔正書万燁氏及不肖責在  
校正永五一鎮誠心周章今纔了役耳嗚呼譜之義大矣  
哉人之最貴於萬物中者以有倫理也若無譜則何以知  
尊祖之義敦族之禮耶聖賢之千卷萬書無非自倫理中  
演出也際此黑白相交蹄跡紛維東洋文化中最大倫理  
賴此不墜源流之同異昭穆之序次捨此譜而何處得見  
耶噫我後生子孫其愛玩而寶藏哉

壬寅三月十五日後孫

鏡燁謹跋